

Erngup nukingata innaallagissiornermut atorneqartarnera pillugu Inatsisartut inatsisisaattut siunnersuut

Erngup nukinganit isumalluutissat pillugit Kalaallit Nunaannut inatsimmi nr. 1075-imi, 22. decembari 1993-imeersumi § 1 naapertorlugu aalajangersarneqarpoq:

Kapitali 1

Atuuffia

§ 1. Inatsisartut inatsisaat erngup nukinganit isumalluutinik innaallagissiornermut atuinermi atorneqassaaq.

§ 2. Inatsisartut inatsisaat erngup nukinganit isumalluutinut, ukiumut 1 megawatt (MW) taannaluunniit sinnerlugu pilersuisinnaasutut nalilerneqartunut atorneqassaaq.

Imm. 2. Erngup nukinganik innaallagissiorfiit 1 MW inorlugu sakkortussusillit Inatsisartut inatsisaanni pineqanngillat.

Kapitali 2

Misissueqqaarnerit atuinerlu

§ 3. Inatsisartut inatsisaat manna malillugu erngup nukinganit isumalluutit innaallagissiornermut atorneqarnissaanut misissueqqaarnerit atuinernullu Namminersorerullutik Oqartusar kisermaassisinnaatitaapput.

§ 4. Erngup nukinganit isumalluutit innaallagissiornermut atorneqarnissaannut misissueqqaarnissamut imaluunniit atuinissamut Naalakkersuisut akuersissuteqarsinnaapput.

Imm. 2. Atortussiassanik aatsitassanik pisunik atuinermut atatillugu nukissamik tunisassior-nissamut erngup nukinganit isumalluutinik misissueqqaarnissamut atuinissamullu akuersissu-tit, suliani taamaattuni oqartussaasut suliaqarnerinut tamarmiusumut atasutut Naalakkersuisu-nit nalunaarutigineqassapput. Taamaattorli erngup nukinganit isumalluutinik atuinissamut akuersissut aalajangersimasoq Inatsisartut inatsisaat manna malillugu suliarineqassaaq.

Imm. 3. Misissueqqaarnissamut imaluunniit atuinissamut akuersissutit malillugit suliaqarne-rit Inatsisartut inatsisaat manna, tassunga atatillugu atugassarititaasussatut aalajangersarneqar-tut aammalu inatsisit allat sukkulluunniit atuuttut naapertorlugit ingerlanneqassapput.

Imm. 4. Qinnuteqartut ataasiakkaat erngup nukinganit isumalluutit pineqartut ilaannaanik atuisussatut naatsorsuutigineqarpata, imm. 1 naapertorlugu misissueqqaarnissamut atuinissa-mullu akuersissutinik nalunaaruteqarnermut atatillugu qinnuteqartunut arlalinnut ataatsikkut akuersissutinik Naalakkersuisut nalunaaruteqarsinnaanerit mattunneqanngilaq.

§ 5. Misissueqqaarnissamut akuersissutit erngup nukinganit isumalluutinut aalajangersima-sunut, nunataanilu killeqarfiliussat iluanni atuuttussanngorlugit, aammalu atugassarititaasut Naalakkersuisunit aalajangersarneqarsimasut tunngavigalugit nalunaarutigineqartassapput.

Imm. 2. Misissueqqaarnissamut akuersissutit ukiut pingasut tikillugit kisermaassisinnaati-taaffinngorlugit tunniunneqarsinnaapput.

Imm. 3. Pisinnaatitaaffimmik pigisaqartup misissueqqaarnernik ingerlatseerernermi kingorna qinnuteqaammi suliaasaq nassuiaatigineqartoq naammassisinnaappagu, pisinnaatitaaffimmik pigisaqartoq § 4, imm. 2 aamma 3 malillugit tamanna pillugu atugassarititaasut naammassineqarsimappata atuinissamut akuersissummik tunineqartussaataavoq. Pisinnaatitaaffimmik pigisaqartoq kingusinnerpaamik misissueqqaarnissamut akuersissutip atorunnaarneraniit ukiup ataatsip qaangiunnerani qinnuteqassaaq.

Imm. 4. Misissueqqaarnissanut pisinnaatitaaffeqartoq piffissap misissueqqaarnissamut akuersissuteqarfiusup naaneraniit kingusinnerpaamik ukiup ataatsip qaangiunnerani atuinissamut akuersissummik qinnuteqarsimangippat, ingerlatseqatigiiffimmut allamut misissueqqaarnissamut akuersissummik Naalakkersuisut tunniussisinnaapput.

§ 6. Erngup nukinganit isumalluutitik misissueqqaarnermut atatillugu paasissutissat pissarsiarineqartut katersorneqartulluunniit tamaasa pisinnaatitaaffimmik pigisaqartup Naalakkersuisunut nassiutissavai. Nassiussassat kingusinnerpaamik akuersissutip atorunnaarnerani nassiunneqassapput.

Imm. 2. Paasissutissat, tak. imm. 1, akuersissutip atorunnaarneraniit ukiuni pingasuni tamanit takuneqarsinnaassanngillat. Piffissami tassani paasissutissat allagaatinik takunnissinnaatitaanermut maleruagassanut ilaatinneqassanngillat, tassunga ilaallutik pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aamma pisortat ingerlatsineranni suliaasat suliarineqartarnerat pillugu Inatsisartut inatsisaanni tamanna pillugu maleruagassat. Susasaqanngitsunut paasissutissanik takutitsinissaq Naalakkersuisut pisinnaatitaaffingngilaat pisussaaffiginaguluunniit.

Imm. 3. Misissueqqaarnissamut akuersissutip atorunnaarneraniit ukiut pingasut qaangiunnerini paasissutissat, tak. imm. 1, misissueqqaarnissamut akuersissummik piginnittumut akilii-neraqanngitsumik qinnutiginerisigut tamanit takuneqarsinnaalissapput.

§ 7. Atuinissamut akuersissutit erngup nukinganit isumalluutitut aalajangersimasunut, nunataanilu killeqarfiliussat iluanni atuuttussanngorlugit, aammalu atugassarititaasut allat Naalakkersuisunit aalajangersarneqarsimasut tunngavigalugit nalunaarutigineqartassapput.

Imm. 2. Atuinissamut akuersissutit atugassarititaasussani innaallagissiassaq minnerpaaffissalerlugu annerpaaffissalerluguluunniit aamma imermik atuinissaq minnerpaaffissalerlugu annerpaaffissalerluguluunniit tunniunneqarsinnaapput.

Imm. 3. Atuinissamut akuersissut ukiut 40-t tikillugit kisermaassisinnaatitaaffiusumik tunniunneqarsinnaavoq, taamaattorli takuuk § 10, imm. 2.

Imm. 4. Atuinissamut akuersissutip piffissaq atuuffissaa qinnuteqartup piffissaq eqqarsaatigalugu pisariaqartitatut uppersarsagai tunngavigalugit aalajangerneqassaaq.

Kapitali 3

Piumasaqaatit atugassarititaasullu

§ 8. Misissueqqaarnissamut aamma atuinissamut akuersissut suliffeqarfinnut namminersortitanut, piginneqatigiiffinnut aktiaatileqatigiiffinnulluunniit kiisalu ingerlatseqatigiiffioriaatsinut assigusunut, Inatsisartut inatsisaat manna naapertorlugu misissueqqaarnissamut atuinissamullu akuersissut tunngavigalugu suliaqartunut tunniunneqarsinnaavoq. Ingerlatseqatigiiffiit Kalaallit Nunaanni angerlarsimaffeqartuussapput.

Imm. 2. Naalakkersuisut piffissami misissueqqaarfiusumi pisinnaatitaaffimmi pigisaqartup Kalaallit Nunaanni angerlarsimaffeqarnissaanik aalajangersakkap saneqqunneqarnissaa pillugu aalajangiisinnaapput.

Imm. 3. Atuinissamik akuersissummik tunineqartoq aammattaaq erngup nukinganik innaallagissiorfimmik, atortunillu tassunga atasunik tamanit piginnittuussaaq, taakkunungalu i-laapput akuersissutitut nalunaarutigineqartoq naapertorlugu innaallagissiornermi atorneqartussat sapusiat, ikerasaliat, sulluliat, tasinngortaliat, ruujorit, turbinit, pilersuinermi aqquersuutit il.il. Tassani pineqanngillat erngup nukinganik innaallagissiorfiit atortullu tassunga atasut Namminersornerullutik Oqartussanit tiguserup kingorna attartortinneqartut, tak. § 11 aamma § 14.

Imm. 4. Naalackersuisut aalajangersinnaavaat erngup nukinganik innaallagissiorfimmi ingerlatsineq kiisalu imm. 2-imi taaneqartut atortut tassunga atasut naatsorsuutitigut ingerlatseqatigiiffiup ingerlatarisinnaasaanit allanit immikkoortisimaneqassasut, ingerlatat taakku ingerlatseqatigiiffimmit inatsisitigut attuumassuteqanngitsumit suliarineqarsimasuuppata tamatuma piumasaqaataasimassagaluarnerata taamaaqataanik.

Imm. 5. Naalackersuisut naatsorsuutit saqqummiussisarnissaq pillugu maleruagassanik aalajangersaasinnaapput, tak. imm. 4.

Imm. 6. Misissueqqaarnerit atuinerillu isumannaatsumik naapertuuttumillu ingerlanneqassapput. Misissueqqaarnerit atuinerillu pinnginnerini, aammalu iliuusissat tamatuminnga siunertaqartut aallartinneqannginnerini suliaqarnissanut pilersaarutit Naalackersuisunit akuerineqarsimassapput.

§ 9. Erngup nukinganit isumalluutit innaallagissiornermut atorneqarnissaannut misissueqqaarnissamut atuinissamullu akuersinissamut atugassarititaasussat pillugit Naalackersuisut aalajangersaasinnaapput, tak. imm. 2 aamma 3

Imm. 2. Erngup nukinganit isumalluutit misissueqqaarnissamut atuinissamullu akuersisutit tunniussinermit atugassarititaasut pillugit maleruagassat imm. 1 naapertorlugu aalajangersarneqarsimasut, aatsitassanit pissuussutit misissueqqaarnermut, misissuinermit piiaanermullu atatillugu saneqqunneqarsinnaapput. Inatsimmi matumani § 3, imm. 2 naapertorlugu erngup nukinganit isumalluutit atuinnissamut akuersissutit tunniunneqareernerata kingorna, atortussiassanik aatsitassanit pisunik piiaanermut atatillugu erngup nukinganik innaallagissiorfiit Naalackersuisunit inatsit atortussiassanik aatsitassanit pisunik misissuinnissamut piiaanissamullu akuersissutit tunniussinermit tunngavisoq naapertorlugu akuerineqartassapput.

Imm. 3. Inatsisartut inatsisaat manna naapertorlugu misissueqqaarnissamut atuinissamulluunniit akuersissutit oqartussaasunit kikkunnilluunniit suliarineqarnerannut atatillugu pisinnaatitaaffinnik pigisaqartup akitsuutit akiliisarnissaa pillugu Naalackersuisut maleruagassiorsinnaapput. Akitsuut oqartussaasut suliarinninnerannut atukkanut aningaasartuutit eqqarsaatigalugit aalajangersarneqassaaq, ilanngullugit nakkutilliinermit avataaniillu ikiorserneqarnermut aningaasartuutit matusissutissat.

Imm. 4. Pisinnaatitaaffimmik pigisaqartoq akitsuutit qanoq annertussusilinnik oqartussasunut akiliisassanersoq, atuinissamut akuersissummi aalajangersarneqartassaaq. Taassuma ataani akitsuutit ukiumoortumik akilerneqartussat, erngup nukinganit isumalluutit akuersissummi pineqartut angissusiat tunngavigalugu naatsorsorneqartoq aalajangersarneqartassaaq. Taamatuttaaq akitsuutit, erngup nukinganit isumalluutit atuinerpiaq tunngavigalugu naatsorsorneqartut pillugit atugassarititaasut, imaluunniit oqartussaasut suliasamut pineqartumut akuersissummit aningaasaqarnikkut iluanaarutissaannik akiliinissamut atugassarititaasut aalajangersarneqarsinnaapput.

Imm. 5. Misissueqqaarnissamut imaluunniit atuinnissamut akuersissut qanoq pisoqarnerani annaaneqartassanersoq imaluunniit Naalackersuisunit utertinneqartassanersoq pillugit Naalackersuisut maleruagassiorsinnaapput. Atugassarititaasut akuersissummi aalajangersimasumi takuneqarsinnaassapput.

Kapitali 4

Atuinissamut akuersissutip isumaqatiginninniutigineqaqqittarnera

§ 10. Atuinissamik akuersissummut piffissaliussap affaata ingerlareernerani akuersissummik pigisaqartoq Naalakkersuisullu, piffissap atuinissamik akuersissuteqarfiusup naanerata kingorna piffissaq atorneqartussa pillugu isumaqatiginninniarnernik aallartitsissapput. Taa-maattorli isumaqatiginninniarnernit akuersissutip atorunnaarnissaanut ukiut qulit sinnerunne-ranni aatsaat aallartinneqartariaqarput.

Imm. 2. Atuinissamik akuersissutip ukiut 20-t tikillugit sivitsoqqinnissaanik Naalakkersuisut akuersissuteqarsinnaapput. Erngup nukinganik innaallagissiorfik Namminersornerullutik O-qartussanut akeqanngitsumik tunniunneqassasoq Naalakkersuisut aalajangersinnaapput.

Imm. 3. Piffissap atuinissamik akuersissuteqarfiusup naanerata kingorna piffissaq atorne-qartussa pillugu isumaqatigiittoqarsinnaanngippat Naalakkersuisut aalajangersinnaapput erngup nukinganik innaallagissiorfik Namminersornerullutik Oqartussanut akeqanngitsumik tunniunneqassasoq, tak. § 12, imm. 1.

§ 11. Piffissap atuinissamut akuersissuteqarfiusup naanissaa sioqqullugu erngup nukinganik innaallagissiorfiup Namminersornerullutik Oqartussanut akeqanngitsumik tunniunneqarnissaa pillugu Naalakkersuisut aamma atuinissamut akuersissummik pigisaqartoq isumaqatigiissute-qarsinnaapput.

Kapitali 5

Tiguisinnaatitaaneq

§ 12. Piffissap atuinissamik akuersissuteqarfiusup naanerani erngup nukinganik innaallagis-siorfik Namminersornerullutik Oqartussanut akeqanngitsumik tunniunneqassasoq Naalakker-suisut qaqugukkulluunniit aalajangersinnaapput. Tamaattoqartillugu akuersissummik pigisa-qartup erngup nukinganik innaallagissiorfik atortullu tassunga atasut, ilanngullugit sapsuat, ikerasaliat, sulluliat, tasinngortaliat, ruujorit, turbinit, pilersuinermi aqquersuutit il.il., kiisalu inissiat atortullu erngup nukinganik innaallagissiorfiup ingerlanneqarnerani atorneqartut, Namminersornerullutik Oqartussanut tamakkiisumik pigineqartussanngorlugit akeqanngitsu-millu tunniutissavai.

Imm. 2. Tiguisinnaatitaaneq akuersissummik tunniussinermi aalajangersaavigineqartoq, tak. § 7, Nunatta Eqqartuussiviani nalunaarsorneqassaaq.

Imm. 3. Erngup nukinganik innaallagissiorfik Namminersornerullutik Oqartussanut akeqan-gitsumik tunniunneqassasoq Naalakkersuisut aalajangersimappassuk, atuinissamik akuersis-sutip naanerani erngup nukinganik innaallagissiorfik tamakkiisumik ingerlasinnaassaaq.

Imm. 4. Inatsisartut inatsisaat manna naapertorlugu erngup nukinganik innaallagissiorfiup Namminersornerullutik Oqartussanut tunniunneqarnissaa ukiunik pingasunik sioqqullugu, Naalakkersuisut Namminersornerullutik Oqartussat tigusinissaannut pisariaqartunik piareer-saateqarniarlutik, aammalu ataavartumik ingerlatsinerup ingerlaannarnissaa qulakkeerniarlugu tamakkiisumik akornusersorneqaratillu erngup nukinganik innaallagissiorfimmu atortuinullu tassunga atasunut isersinnaatitaassapput. Tamanna pissaaq atuinissamut akuersissummik pigi-saqartumut annertuumik akornutaanngitsumik aningaasartuutaanngitsumillu.

Imm. 5. Erngup nukinganik innaallagissiorfik Namminersornerullutik Oqartussanut tun-niunneqanngippat, atuinissamik akuersissummik piginnittup sulinini unitsissavaa aammalu erngup nukinganik innaallagissiorfik, maleruagassanut Naalakkersuisut tamatumunnga aala-jangersagaannut atugassarititaasunullu akuersissummi aalajangersakkanut naapertuuttumik matusinissaaq isumagissallugu.

§ 13. § 12, imm. 1 naapertorlugu erngup nukinganik innaallagissiorfik tiguneqarpat, akiliggassat nammagassallu erngup nukinganik innaallagissiorfiup pisussaaffigisai tamarmik atorrunnaassapput.

§ 14. Naalackersuisut erngup nukinganik innaallagissiorfimmik tiguneqartumik attartortitsinissamik isumaqatigiissuteqarsinnaapput. Inatsisartut inatsisaanni matumani aalajangersakkt naapertorlugit attartortoq atuinissamut akuersissummik nalunaarfigineqassaaq.

Kapitali 6

Oqartussaasut suliarinnittarnerat

§ 15. Misissueqqaarnissamut atuinissamulluunniit akuersissummik qinnuteqaat Naalackersuisunut tunniunneqassaaq.

Imm. 2. Suliaq Inatsisartut inatsisaanni matumani pineqartunut ilaasoq oqartussaasumit ataatsimit ingerlanneqassasoq Naalackersuisut aalajangersinnaavaat, aammalu ingerlatsinerup ingerlanneqarnissaa pillugu Inatsisartut inatsisaanni matumani killissarititaasut iluanni suku-miinerusunik maleruagassiorsinnaallutik.

§ 16. Misissueqqaarnissamut atuinissamullu akuersissummik tunniussinissaq sioqqullugu kommunit kalluarneqartussat oqaaseqaateqartinneqassapput aammalu oqartussat attuumassuteqartut oqaaseqartinneqarlutillu akuersissuteqartinneqassapput. Oqaaseqaateqarnissamut piffissarititaasussamik sivikinnerpaamik sapaatit akunnerinik 4-inik sivisussuseqartumik Naalackersuisut aalajangersaassapput.

§ 17. Akuersissummik qinnuteqartut aamma akuersissummik pigisaqartut paasissutissat Naalackersuisut Inatsisartut inatsisaat, maleruagassat taanna tunngavigalugu aalajangersarneqarsimasut aamma akuersissuteqarnermi atugassarititaasut naapertorlugit oqartussaasutut suliarinninnerminni pisariaqartinneqartut isumaqarfigisaat tamaasa Naalackersuisunut nalunaarutigisussaavaat.

Imm. 2. Paasissutissanik nalunaaruteqartarnermut maleruagassanik Naalackersuisut aalajangersaasinnaapput, tassunga ilaallutik paasissutissat allagaatinik takunnissinnaatitaanermut maleruagassanut ilaatinneqannginnissaat, taassumalu ataani pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni aamma pisortat ingerlatsineranni suliassat suliarineqartarnerat pillugu Inatsisartut inatsisaanni tamanna pillugu maleruagassat tunngavigineqarnerat.

Kapitali 7

Nakkutilliineq

§ 18. Inatsisitigut allanik aalajangersaasoqarsimangippat, Inatsisartut inatsisaat manna naapertorlugu pisinnaatitaaffimmik piginnittup sulineranik Naalackersuisut nakkutilliisuussapput, aammalu Inatsisartut inatsisaata kiisalu maleruagassat atugassarititaasullu Inatsisartut inatsisaat tunngavigalugu aalajangersarneqarsimasut malinneqarnissaannik peqqusisnaallutik. Naalackersuisut eqqartuussisup aalajangiineranik tunngaveqanngikkaluarlutik ilisarnaammik atorsinnaasumik takutitsinermikkut suliap nakkutigineqarnissaanut pisariaqartitsineq tunngavigalugu suliffeqarfimmut tamarmut isersinnaatitaassapput.

Imm. 2. Akuersissummik piginnittup piffissaliussap naleqquttup iluani peqqusissut naam-

massingippagu, piginnittup akiligaanik annaasaqaatigisinnaasaanillu peqqusissutaasoq Naalakkersuisunit naammassineqarsinnaavoq.

Kapitali 8

Aalajangersakkat allat

§ 19. Misissueqqaarnissamut imaluunniit atuinissamut akuersissut Nunatta Eqqartuussiviani nalunaarsorneqassaaq.

Imm. 2. Misissueqqaarnissamut imaluunniit atuinissamut akuersissummik allamut tunnius-sineq sunaluunniit, toqqaannartumik toqqaannangitsumilluunniit pisoq, Naalakkersuisunit akuersissutigineqassaaq.

Imm. 3. Misissueqqaarnissamut atuinissamulluunniit akuersissut taarsigassarsinermi qular-naveeqqusiissutigineqarsinnaangilaq, imaluunniit akiligassaqarfiiit malersuineranni tunnga-vigineqarsinnaanani.

§ 20. Misissueqqaarnermut imaluunniit atuinermut akuersissut tunngavigalugu suliaqarner-mi ajoqusikkanut akuersissummik pigisaqartoq taarsiisussaatitaanermut maleruagassat nali-nginnaasut naapertorlugit taarsiisussaatitaavoq, inatsimmi allami allassimangippat akisus-saaffik annertunerusoq.

Imm. 2. Akuersissummi suliaq aalajangersimasoq eqqarsaatigalugu akuersissummik pigisa-qartoq annertunerusumik akisussaatinneqassanersoq aalajangerneqarsinnaavoq. Tassani ajo-qusikkat peratarsinnaasutut nalilerneqarsimagaluarpataluunniit, akuersissummik pigisaqartup suliaqarnermi ajoqusikkanut taarsiisussaatitaanissaa aalajangersarneqarsinnaavoq, kisiannili ajoqusiiffigineqartoq piaaraluni mianersuaalliorujussuarluniluunniit ajoqusernermut pisooqa-taasimappat taarsiisutissaq appartinneqarsinnaavoq atorunnaarsinneqarsinnaalluniluunniit.

Imm. 3. Misissueqqaarnissamut atuinissamulluunniit akuersissummi pisinnaatitaaffimmik pigisaqartup taarsiisussaatitaanerata sillimmasiissummik allatulluunniit qularnaveeqqusiis-summik matussuserneqarsimanissaa pillugu atugassarititaasunik aalajangersaasoqarsinnaa-voq.

§ 21. Susassaqangitsut erngup nukinganik innaallagissiorfimmu tassungalu atasumik nu-naminertamut atugassiissutaasimasumut isersinnaanissaat pinngitsoorniarlugu iliuusissat pisa-riaqartut, atuinissamik akuersissummik pigisaqartup isumagissavai.

Kapitali 9

Pinngitsaaliissummik taarsiinertalimmik arsaarinnissuteqartarneq

§ 22. Inatsisartut inatsisaat manna naapertorlugu suliap pineqartup naammassinissaanut pi-sariaqartutut isigineqarpat, Naalakkersuisut pinngitsaaliissummik taarsiinertalimmik arsaarin-nissuteqarlutik pisinnaatitaaffimmik pigisaqartunut Naalakkersuisunullu pigisanik pisinnaati-taaffinnillu tunniussisnaapput.

Kapitali 10

Pineqaatissiissutaasinnaasut

§ 23. Pinerluttulerinermut inatsimmi pineqaatissiissutaasinnaasut malillugit pineqaatissiiso-qarsinnaavoq,

1) akuersissummik pigisaqarani Inatsisartut inatsisaanni suliassatut taaneqartunik ingerlatsi-sunut.

2) atugassarititaasunik Inatsisartut inatsisaat imaluunniit inatsisartut inatsisaat tunngavigalugu maleruagassat aalajangersarneqartut naapertorlugit nalunaarutigineqarsimasunik unioqqutitsisunut.

3) peqqusissutinik Inatsisartut inatsisaat imaluunniit inatsisartut inatsisaat tunngavigalugu maleruagassat aalajangersarneqartut naapertorlugit nalunaarutigineqartunik malinninngitsunut.

4) paasisutissanik eqqunngitsunik salloqitaalluniluunniit tunniussisunut, imaluunniit paasisutissanik Inatsisartut inatsisaat naapertorlugu imaluunniit inatsisartut inatsisaat tunngavigalugu maleruagassat aalajangersarneqarsimasut naapertorlugit oqartussaasup piumasarisaaanik nipangiussisunut.

Imm. 2. Unioqqutitsisoq suliffeqarfiuppat, tamakkiisumik ilaannaasumilluunniit naalagaaffimmit, Namminersornerullutik Oqartussanit, kommunimit imaluunniit kommunit ataatsimoorfiinit, aktiaatileqatigiiffimmit, pigisaqatigiiffimmit, piginneqatigiiffimmit, assigisaannilluunniit pigineqartoq, suliffeqarfik il.il. taamatut akisussaatinneqarsinnaavoq. Taamatutaaq unioqqutitsisut tassaappata Namminersornerullutik Oqartussat, kommunit imaluunniit kommunit ataatsimoorfii, aamma tamanna atuutissaaq.

Imm. 3. Maleruagassani Inatsisartut inatsisaat naapertorlugu aalajangersarneqartuni maleruagassanik unioqqutitsinerit pinerluttulerinermut inatsimmi maleruagassat naapertorlugit pineqaatissiinermik imaluunniit akiliisussanngortitsinermik kinguneqarsinnaasoq aalajangersarneqarsinnaavoq.

Imm. 4. Maleruagassanik unioqqutitsineq suliffeqarfimmit, tamakkiisumik ilaannaasumilluunniit naalagaaffimmit, Namminersornerullutik Oqartussanit, kommunimit imaluunniit kommunit ataatsimoorfiannit, aktiaatileqatigiiffimmit, pigisaqatigiiffimmit, piginneqatigiiffimmit assigisaannilluunniit pigineqartumit piliarineqarpat, tamanna pinerluttulerinermut inatsit naapertorlugu pineqaatissiisoqarsinnaanera maleruagassani, Inatsisartut inatsisaat naapertorlugu aalajangersarneqartuni aalajangersarneqarsinnaavoq, tassunga akiliisussanngortitsisarneq arsaarinnittarnerlu ilaapput. Taamatutaaq pinerluttulerinermut inatsit naapertorlugu pineqaatissiisinnaaneq pillugu maleruagassanik aalajangersaasoqarsinnaavoq, tassunga ilaalutik unioqqutitsineq Namminersornerullutik Oqartussanit, kommunimit imaluunniit kommunit suleqatigiiffiannit piliarineqarsimappat akiliisussanngortitsisarneq arsaarinnittarnerlu.

Imm. 5. Akiliisitsissutit arsaarinnissutillu Nunap Karsianut tutsinneqassapput.

§ 24. Unioqqutitsineq aningaasaqarnikkut iluanaarutaasimappat, iluanaarutit Kalaallit Nunaanni pinerluttulerinermut inatsit naapertorlugu arsaarinnissutigineqassapput. Arsaarinnittoqarsinnaanngippat, akiliisitsissutissap annertussusilerneqarnerani tamanna immikkut isiginiarneqassaaq.

Kapitali 11

Atuutilersitsineq il.il.

§ 25. Inatsisartut inatsisaat manna 1. juli 2009-mi atuutilerpoq.

Imm. 2. Inatsisartut inatsisaata atuutilernerani erngup nukinganik isumalluutinik misissueqqaarnissamut atuilernissamulluunniit akuersissutaareersimasut Inatsisartut inatsisaanni pineqartunut ilaasut, piffissami akuersissuteqarfigisimasaminni atuutiinnassapput. Taakkua manna tikillugu inatsit atuuttoq naapertorlugu maleruagassaqartinneqaannassapput.

Namminersornerullutik Oqartussat, ulloq/qaammat ukioq

Hans Enoksen

/

Kim Kielsen